

*«Իրավաբանների հայկական ասոցիացիա»
հասարակական կազմակերպություն,*

«ԼԻԳԼ ԸԼԱՅԸՆՍ» իրավաբանական ընկերություն,

Հայաստանի իրավաբանական հիմնադրամ

**«Փաստաբանություն. ներկա վիճակը և զարգացման հեռանկարները ՀՀ-ում»
11-րդ ամենամյա հանրապետական գիտաժողով**

ՊԱՇՏՈՆԱԿԱՆ ԿԱՆՈՆՆԵՐ

Երևան 2022թ.

Պաշտոնական կանոն 0.0 Սահմանումներ

Սույն կանոններում օգտագործվող հասկացությունները օգտագործվում են հետևյալ իմաստով.

«**Կազմակերպիչ**» սույն կանոնների իմաստով նշանակում է գիտաժողովի ցանկացած փուլի կազմակերպիչ:

«**Գիտաժողովի փուլ**» գրավոր և բանավոր փուլերի դեպքում օգտագործվում է համապատասխան փուլ իմաստով:

«**Գիտաժողով**» օգտագործվում է 2022թ.-ի սեպտեմբեր-հոկտեմբեր ամիսներին կազմակերպվելիք «Փաստաբանություն. ներկա վիճակը և զարգացման հեռանկարները ՀՀ-ում» 11-րդ ամենամյա հանրապետական գիտաժողով իմաստով:

«**Զեկույց**» օգտագործվում է յուրաքանչյուր մասնակցի կողմից սույն կանոնների դրույթների համաձայն գրված և գիտաժողովի կազմակերպչին էլեկտրոնային տարբերակով ներկայացրած գրավոր զեկույց իմաստով:

«**Բանավոր փուլ**» նշանակում է մասնակցի զեկույցի բանավոր ներկայացման փուլ:

«**Տույժեր**» կիրառվում է որևէ կանոնի խախտման համար նախնական միավորի իջեցմամբ:

«**Կանոններ**» օգտագործվում է զեկույցի սույն պաշտոնական կանոններ, ինչպես նաև ցանկացած այլ կանոնների հավելված իմաստով:

«**Մասնակից**» օգտագործվում է կազմակերպչին սահմանված ժամկետում գիտաժողովին մասնակցելու հայտ ներկայացրած ուսանող իմաստով:

«**Զեկույցի թիվ (համար)**» օգտագործվում է գիտաժողովի ժամանակ յուրաքանչյուր զեկույցի համար հատուկ թվային տարբերակում իմաստով:

«**Փուլ**» օգտագործվում է գիտաժողովի տարբեր ընթացակարգերի և ժամանակահատվածների իմաստով:

ՊԱՇՏՈՆԱԿԱՆ ԿԱՆՈՆ 1.0 Գիտաժողովի կազմակերպումը

1.1 Կազմակերպիչ.

Հայաստանի իրավաբանական հիմնադրամ, «Իրավաբանների հայկական ասոցիացիա» հասարակական կազմակերպություն (հաստատվումը՝ ԻՀԱ), «ԼԻԳԼ ԸԼԱՅԸՆՍ» իրավաբանական ընկերություն (www.armla.am, www.lawfoundation.am, www.la.am):

Հասցեն՝ ՀՀ, ք. Երևան 375010, Նալբանդյան 7, գրասենյակ 2, հեռ. 010-54-01-99, 096-44-88-64, ֆաքս՝ 580299, էլեկտրոնային փոստ՝ info@armla.am

1.2 Գիտաժողովի ընթացակարգը.

Գիտաժողովը բաղկացած է երկու փուլերից.

- 1) գրավոր փուլ,
- 2) բանավոր փուլ:

1.3 Գիտաժողովի անցկացումը.

Յուրաքանչյուր փուլ անցկացվում է կազմակերպչի կողմից սահմանված վայրում և պետք է իրականացվի սույն կանոնների համաձայն:

ՊԱՇՏՈՆԱԿԱՆ ԿԱՆՈՆ 2.0 Գիտաժողովի մասնակցության իրավունքը և կարգը

2.1 Գիտաժողովին մասնակցելու իրավունք ունեցող անձինք.

- 1) Բոլոր ԲՈՒՀ-երի իրավաբանական ֆակուլտետների 2-րդ և բարձր կուրսերում սովորող ուսանողները:
- 2) Բոլոր քոլեջների իրավաբանական բաժիններում 2-րդ և բարձր կուրսերում սովորող ուսանողները:
- 3) Մագիստրատուրայի իրավաբանական ֆակուլտետում սովորող ուսանողները:
- 4) Ասպիրանտուրայի իրավաբանական բաժիններում սովորող ուսանողները:

ՊԱՇՏՈՆԱԿԱՆ ԿԱՆՈՆ 3.0 Մասնակիցների գրանցումը և մասնակիցների զեկույցները

3.1 Մասնակիցների գրանցման ձևը, գրանցման վայրը և գրանցումը.

Գիտաժողովին մասնակցել ցանկացողները մինչև 2022թ.-ի սեպտեմբերի 15-ը ժամը 23.59-ը պետք է առցանց գրանցվեն: Գիտաժողովի առցանց գրանցման հղումը հասանելի է **այստեղ` https://docs.google.com/forms/d/e/1FAIpQLSfOf8HsoIc8KlKmt3qN8yI3LcCiLqsTuV_qkGvrAkhH95nNzQ/viewform** : Գիտաժողովի վերաբերյալ անհրաժեշտ տեղեկատվություն կարելի է ձեռք բերել նաև կազմակերպչի ինտերնետային կայքից (տե՛ս սույն կանոնների 1.1 կետը):

3.2 Ձեկույցների ընդունման կարգը և ժամկետները.

- 1) Գիտաժողովին մասնակցելու համար գրանցված յուրաքանչյուր անձ պետք է մինչև 2022թ.-ի հոկտեմբերի 5-ը, ժամը 23:59-ը պահանջվող զեկույցի էլեկտրոնային տարբերակը ուղարկի info@armla.am էլեկտրոնային հասցեին:
- 2) Ձեկույցը ընդունվում է կազմակերպչի կողմից և յուրաքանչյուր զեկույց ստանում է անհատական համար, որը գետեղվում է զեկույցի դրսի շապիկի վերին աջ անկյունում:
- 3) Ձեկույցի անհատական համարը տրվում է զեկույցը կազմակերպչին ուղարկելու համար սահմանված ժամկետը լրանալու հաջորդ օրը: Ձեկույցները ստուգող խմբի և տեխնիկական ստուգում իրականացնող անձնակազմի կողմից ստուգվում և գնահատվում են մինչև 2022թ.-ի հոկտեմբերի 13-ը:

3.3 Ձեկույցի ինքնությունը հաստատող համարը.

Գիտաժողովի յուրաքանչյուր մասնակցի զեկույց կունենա համակարգողի կողմից տրված համար (թիվ): Մասնակիցները պետք է այդ համարները օգտագործեն միայն ինքնության հաստատման նպատակով: Համարի գաղտնիության ապահովման պարտականությունը դրվում է կազմակերպչի վրա:

3.4 Ձեկույցի հանձնումը.

Բոլոր գեկույցները պետք է համապատասխանեն հետևյալ ընդհանուր պահանջներին.

- 1) Գիտաժողովի յուրաքանչյուր մասնակից պետք է սահմանված ժամկետներում կազմակերպչին ներկայացնի գեկույցի էլեկտրոնային տարբերակը:
- 2) Յուրաքանչյուր գեկույցի շապիկ պետք է պարունակի միայն հետևյալը.
 - գիտաժողովի մասնակցի համարը, որը դրվում է կազմակերպչի կողմից,
 - գիտաժողովի թեմայի անվանումը,
 - գիտաժողովի ամսաթիվը:

3.5 Զեկույցների ֆորմատը.

Բոլոր գեկույցները պետք է համապատասխանեն հետևյալ ֆորմատին.

- 1) 10-15 համակարգչային էջ,
- 2) A4 ֆորմատի (21x29.7 սմ) թղթի վրա,
- 3) տեքստի տառատեսակը և չափսը՝ Sylfaen 12,
- 4) գեկույցի տեքստի բոլոր մասերը, ինչպես նաև տողատակի ծանոթագրություններն ու խորագրերը, պետք է լինեն միաբացվածք (single-spaced),
- 5) լուսանցքների պահպանումը բոլոր կողմերից պետք է ունենա 2.5 սմ՝ չհաշված էջահամարները:

3.6 Զեկույցի նկարագիրը.

Զեկույցը պետք է բաղկացած լինի հետևյալ մասերից.

- 1) Բովանդակություն,
- 2) Ներածություն,
- 3) Նկարագրական մաս,
- 4) Եզրափակիչ մաս,
- 5) Օգտագործված գրականության ցանկ:

ՊԱՇՏՈՆԱԿԱՆ ԿԱՆՈՆ 4.0 Փաստաբանները

4.1 Գիտաժողովի գրավոր և բանավոր փուլերի դատավորները և նրանց ընտրության կարգը.

Գիտաժողովի գրավոր փուլը գնահատում է դատավորներից՝ համապատասխան մասնագետներից կազմված ստուգող խումբը, որի անհատական կազմը և թվաքանակը որոշվում է կազմակերպչի կողմից:

4.2 Կազմակերպչի տեղեկացումը մասնակիցների և դատավորների անհամապատասխանության վերաբերյալ.

Գիտաժողովի բանավոր փուլի ընթացքում մասնակիցները կազմակերպչին պետք է տեղեկացնեն այն մասնագետների, փաստաբանների կամ հավանական մասնագետների և փաստաբանների անունները, որոնց հարաբերությունները մասնակցի կամ տվյալ ԲՈՒՀ-ի կամ քոլեջի հետ այնպիսին է, որ կասկած է առաջացնում այդ դատավորի անկողմնակալության վերաբերյալ՝ տվյալ մասնակցի բանավոր գեկույցը գնահատելիս: Նման դեպքերում կազմակերպիչը պետք է քննարկի փաստաբան(ներ)ին վերաբերող հարցը և այդ հարցի կապակցությամբ կայացնի վերջնական որոշում:

5.1 Գրավոր փուլ.

Գիտաժողովի գրավոր փուլում առավելագույն միավորներ հավաքած մինչև 5 լավագույն մասնակիցները կանցնեն գիտաժողովի հաջորդ՝ բանավոր փուլ: Գրավոր փուլում դատավորների կողմից մասնակիցներին նշանակած միավորները կազմակերպչի կողմից կարող են նվազեցվել՝ ըստ սահմանված տույժերի: Գիտաժողովի գրավոր փուլի ստուգումը և գրավոր փուլի արդյունքների ամփոփումը կատարվում է 2022թ.-ի հոկտեմբերի 13-ը ընկած ժամանակահատվածում:

5.2 Բանավոր փուլ

Գիտաժողովի բանավոր փուլում յուրաքանչյուր մասնակցի զեկույցի ընդհանուր միավորները որոշվում են՝ զեկույցները գնահատող դատավորների ժյուրիի յուրաքանչյուր անդամի կողմից նշանակած միավորների ընդհանուր գումարով: Գիտաժողովի բանավոր փուլն անցկացվելու է 2022թ.-ի հոկտեմբերի 18-ին, ժամը 11-ին: Գիտաժողովի մրցանակաբաշխությունը տեղի կունենա գիտաժողովի բանավոր փուլի ավարտից անմիջապես հետո:

Գիտաժողովի գրավոր փուլի հաղթողը որոշվում է կազմակերպչի կողմից և արժանանում է «Լավագույն գրավոր զեկույց» անվանակարգին:

Գիտաժողովի բանավոր փուլի հաղթողը որոշվում է ժյուրիի կողմից և արժանանում «Լավագույն հոետոր» անվանակարգին:

Գիտաժողովի հաղթող է ճանաչվում այն մասնակիցը, որը գրավոր և բանավոր փուլերում հավաքել է միավորների առավելագույն քանակ: Գիտաժողովի հաղթողը ստանում է «Գիտաժողովի հաղթող» մրցանակը:

Գիտաժողովի կազմակերպիչը կարող է սահմանել նաև այլ խրախուսական մրցանակներ: Գիտաժողովի գրավոր և բանավոր փուլի մասնակիցները կստանան հավաստագրեր, իսկ լավագույն զեկույցները կիրատարակվեն Իրավաբան.net անկախ, մասնագիտական լրատվական կայքում:

ՊԱՇՏՈՆԱԿԱՆ ԿԱՆՈՆ 6.0 Տույժեր

6.1 Զեկույցներին առնչվող տույժեր

Սույն աղյուսակի համաձայն զեկույցներին առնչվող կանոնների խախտումների համար կիրառվում են տույժեր.

Կանոնի համարը	Նկարագիրը	Կիրառվող տույժը
6.1.1	Զեկույցում ինքնության կամ ԲՈՒՀ-ի/քուլեջի վերաբերյալ որևէ նշում:	7 միավոր (մեկ անգամ)
6.1.2	Սխալ տառատեսակի կամ տառերի սխալ չափսի օգտագործում, տվյալ տառատեսակի սխալ չափսի օգտագործում, տողերի միջև սխալ տարածություն կամ մեջբերումների սխալ ձև:	1 միավոր յուրաքանչյուր խախտման համար, ընդհանուրը՝ մինչև 5 միավոր:
6.1.3.	Էջերի սահմանափակում:	15 էջը գերազանցող յուրաքանչյուր էջի համար 1 միավոր, առվելագույնը 4 միավոր:
6.1.4.	Անհամապատասխան լուսանցքներ:	Յուրաքանչյուր էջի համար 0,5 միավոր, առավելագույնը 2 միավոր:
6.1.5.	Զեկույցի կազմի վրա չպահանջվող տեղեկությունների ընդգրկում:	2 միավոր: